

in Nativam & Dativam tanquam supervacanea & actionis naturæ contraria, semel atque iterum in antecedentibus sit reprobata. Vid. *part. General. c. 2. §. 23. & part. spec. c. 2. m. 1. art. 18. §. 7.*

§. 6. *Causa Minus Principalis & sine qua non* est juris competentis ejusque exercitii impeditio ac turbatio.

§. 7. *Subiectum Inhabitionis generale* est possessor juris acquisiti; *Speciale* est proprietarius & qui jus in re habet; *Specialissimum* est Patronus, Jurisdictionarius, & consequenter.

§. 8. *Subiectum Receptionis generale* est juris usum impediens; *Speciale* est rei quasi servientis possessor.

§. 9. *Objectum* est liber juris usus ab alio impeditus.

§. 10. *Forma Interna* est Legitima & in jure servituti simili actualiter constituto fundata persecutio: *Ex-*

*terna* est apta libelli compositio, cuius petitum & conclusio dirigitur ad expressam juris declarationem. *arg. §. 2. Inst. de act.*

§. 11. *Finis & Effectus* est tumurbationis intermissio, tum juris competentis defensio & conservatio.

§. 12. Concurrit actio Legis Aquiliæ & Injuriarum, Novi operis Nunciatio, *arg. l. 5. §. 6. 9. ff. de N. O. N.* Interdictum Uti possidetis, quod vi aut clam & Unde Vi.

§. 13. Judex competens respectu Jurium Ecclesiasticorum *regulariter* est Ecclesiasticus; respectu Jurium Secularium, tum Judex Domicilii, tum Rei sitæ.

§. 14. Contrarium est actionis competentis extinctio, quæ fit vel per renunciationem, vel per juris amissionem, vel per præscriptionem, vel per judicialem absolutionem.

## De ACTIONE NEGATORIA UTILI.

### S U M M A R I A.

*Definitio §. 1. Duplex Divisio. 2. Causa Efficiens Remota. 3. Propinqua Principalis. 4. Minus Principalis. 5. Subiectum Inhabitionis. 6. Receptionis. 7. Objectum. 8. Forma. 9. Finis. 10. Concurfus. 11. Judex. 12. Contrarium. 13.*

§. 1.

**A**ctio Negatoria Utilis, quæ & Quasi negatoria dicitur, est actio Negatoria, quæ ad exemplum actionis negatoriae Directæ contra eum,

qui jus servituti simile præterdit, libertatis tuendæ causâ competit. *arg. §. 2. Inst. de act. l. 2. ff. si servit. vindic.*

§. 2. Actio Negatoria Utilis est duplex: